

九葉金花永展舒八渠瓊水任相於七門得得俱通達四象明
明總寂虛一粒神丹歸正路二條銀線結元初光輝燦爛知分
付果證無餘樂有餘

磨鏡

磨鏡爭如磨我心我心自照遠還深鑑迴名利眞清淨顯出虛
无不委沉一片靈光開大道萬般雲彩出高岑教公認取玄玄
寶掛在明堂射古今

和落花韻

不謀輕舉望昇飛碧洞無勞閉玉扉久厭世情名與利素嫌人
世是和非須知謹謹修心地何必區區街道衣門外落花任風
雨不知誰肯悟希夷

道藏輯要

重陽全真集

三

上胃集一

題紅白牡丹

紅白絞綃剪作團青羅帳上穩排安清香遠噴无差別異質雖
殊各正端塵世久遺三鳥種時人休作兩般看我今折得同歸
去步步雲霞代彩鸞

遲法師註道德經

遵隆太上五千言大道無名妙不傳一氣包含天地髓四時幹
運歲辰玄五行方闡陰陽位二曜初分造化權窮默昏冥非有
說自然秘密隱神仙

劉仙求問